


22. Ein jede Flech was gstat sie sey / in ein Flech einer anderen gstat zuverkehren.



Es ist ein Flech *D*. die soll verkehrt werden in ein Flech die ähnlich sey in art vnd gstat der Flech *A*. dem thue also / bring beyde fürgenomne Fleche *D*. vnd *A*. durch die zwenzigste auffgab / in ein ablange vierung / sey *B.E.K.F.* auß der Flech *D* vnd *G.K.H.L.* auß der Flech *A*. darnach verkehre durch die neunzehende auffgab die vierung *B.F.* in ein andere vierung vnder die lini *K.L.* solche sey *L.K.C.* als dann such laut der dreyzehenden auffgab / *Medium proportionale* zwischen *C.K.* vnd *K.G.* solch *medium* sey *K.M.* auß derselben lini *K.M.* mach ein Flech die ähnlich sey der Flech *A*. solche sey jetz *N*. dise Flech *N*. ist gleich am inhalt der Flech *D*. ander gestalt aber ist sie mit sechs eggen der Flech *A*.

23. Ein Circkelrunde Flech in ein recht Wincklechte vierung / zuverwandlen.

Es sey ein Circkelrunde Flech *B.H.* die soll in ein recht Wincklechte vierung verwandelt werden / thue ihm also / verkehr erstlich den Circkelrunden riß *B.H.* laut der eylfften auffgab / in ein geraden riß der sey *E.D.* Nimb darnach ein lini *C.E.* die gleich sey dem halben *Diameter A.B.* dise lini *C.E.* stell Winckelrecht laut der andern auffgab / an die lini *E.D.* vnd fahr mit einem geraden riß auß dem puncten *C.* über Ort in puncten *D.* so findstu ein rechten Wincklechten Triangel *D.C.E.* diser Triangel ist

Ⓒ